

КИРОВЕЦ

Тыловой ВКП(б) Райкомлэн но Райисполкомлэн органзы

14 июле 1937 арын | № 50 | 3-тй арзэ потэ

М. И. Калинин эшлэн верамез

Эш'ёс, Совет'ёслэн Чрезвычайной VIII Всесоюзной С'ездзы 1936 арын 5 декабре Советской Социалистической Республикаослэн Союззылэсь Конституцизэс — Сталинской Конституциез принять кариз. (Кичапкон'ёс туж кема кыст'ясько.

Бидэс залын чаш сылэ. Пукон интыосысь „Дано мед луоз Сталинской Конституция!“ куараос кыл'ясько).

Тини таин чош ик С'езд аслаз пуктэменыз СССР-лэсь Центральной Исполнительной Комитетэ „Советской



Социалистической Республикаослэн Союззылэн Верховной Советазы быр'ён'ёс сярэсь Положениез“ разработать карыны но юнматыны косыз.

ЦИК-лэн Президиумез туэ 1 июле „СССР-лэн Верховной Советаз быр'ён'ёс сярэсь Положенилэсь“ СССР-лэн ЦИК-езлэн Президиумезлэн комисиеныз разработать карем проектэ одобрить кариз но СССР-лэн Центральной Исполнительной Комитетэзлэн VII созывезлэн та IV-тй сессиезлы эскерыны сэтэ.

„СССР-лэн Верховной Советаз быр'ён'ёс сярэсь Положенилэн“ газет'ёсы поттэм проектсытыз тй адзиськоды ни, со Сталинской Конституция вылэ лык'яськыса разработать каремын но бидэсак асьме социалистической Гоинамылэсь Советской Социалистической Республикаослэн Союззылэсь конституционной правосэ бидэсак гарантировать но сохранять каре.

Эш'ёс, Центральной Исполнительной Комитетлэн член'ёсыз асьмелы бадзым но калык азын туж ответственной луысь уж лэсьтоно луэ. СССР-лэн Верховной Советаз быр'ён'ёс сярэсь законэз обсудить кароно но юнматано. Великой Сталинской эпохалы достойной луйсь закон кылдытоно. (Ке-

ма кыст'яськысь кичапкон'ёс). Центральной Исполнительной Комитетэзлэсь IV-тй сессиезлэсь заседанизэ усьтэмен лыд'ясько. (Кема кыст'яськысь кичапкон'ёс.)

Союзной Советлэн но Национальностьёслэн Советсылэн член'ёсы нимаз голосовать карыса, Сессилэсь ужан порядоксэ но регламентсэ одиг кылысь юнматно. Сессия Положенилэн проектэ сярэсь докладэз об'единенной заседаниын кылзыны но Союзной Советын но Национальностьёслэн Советазы нимаз обсудить карыны решение кутэ.

Собере „Советской Социалистической Республикаослэн Верховной Советазы быр'ён'ёс сярэсь Положенилэн“ проектэ сярэсь Я. А. Яковлев эш доклад лэсьтэ. Сессие люкаськем калык сое кичапкон'ёсын пумитаз.

Сессилэн нырысь заседаниез 20 часын но 40 минутын ворсаськиз.

Нимаз заседать карись Союзной Советын но Национальностьёслэн Советазы 8 июле „Советской Социалистической Республикаослэн Союззылэн Верховной Советазы быр'ён'ёс сярэсь докладэз Положенилэн“ проектэ сярэсь докладэз обсудить карон кутскиз.

А. Ф. Горкин эшез СССР-лэн Центральной Исполнительной Комитетэзлэн секретареныз быр'ён сярэсь

СССР-лэн Центральной Исполнительной Комитетэзлэн VII созывезлэн нылети Сессиезлэн пуктэмез

СССР-лэн Центральной Исполнительной Комитетэз пуктэ: Александр Федорович Горкин эшез СССР-лэн Центральной Исполнительной Комитетэзлэн секретареныз быр'ёно.

СССР-лэн Центральной Исполнительной Комитетэзлэн председателэз М. КАЛИНИН.

СССР-лэн Центральной Исполнительной Комитетэзлэн секретарез интые, СССР-лэн ЦИК-езлэн Президиумезлэн членэз Н. ФИЛАТОВ. Москва, Кремль. 1937 арын 9 июле.

А. А. Андреев но А. Ф. Горкин эш'ёсы СССР-ысь ЦИК-лэн Президиумаз членэ быр'ён сярэсь

СССР-лэн Центральной Исполнительной Комитетэзлэн VII созывезлэн нылети Сессиезлэн пуктэмез

СССР-лэн Центральной Исполнительной Комитетэз пуктэ:

1. Андрей Андреевич Андреев эшез СССР-лэн Центральной Исполнительной Комитетэзлэн Президиумезлэн членэныз быр'ёно.

2. Александр Федорович Горкин эшез СССР-лэн Центральной Исполнительной Комитетэзлэн Президиумезлэн членэныз быр'ёно.

СССР-лэн Центральной Исполнительной Комитетэзлэн председателэз М. КАЛИНИН.

СССР-лэн Центральной Исполнительной Комитетэзлэн секретарез интые, СССР-лэн ЦИК-езлэн Президиумезлэн членэз Н. ФИЛАТОВ.

Москва, Кремль. 1937 арын 9 июле.

И. А. Акулов эшез СССР-лэн ЦИК-езлэн секретарез луыса ужамысь мозмытон сярэсь

СССР-лэн Центральной Исполнительной Комитетэзлэн VII созывезлэн нылети Сессиезлэн пуктэмез

СССР-лэн Центральной Исполнительной Комитетэз пуктэ:

Иван Алексеевич Акулов эшлэсь куремзэ удовлетворить кароно но висеменыз сое СССР-лэн Центральной Исполнительной Комитетэзлэн секретарез луыса ужамысь мозмытоно.

СССР-лэн Центральной Исполнительной Комитетэзлэн председателэз М. КАЛИНИН.

СССР-лэн Центральной Исполнительной Комитетэзлэн секретарез интые, СССР-лэн ЦИК-езлэн Президиумезлэн членэз Н. ФИЛАТОВ.

Москва, Кремль. 1937 арын 9 июле.

ЗАЁМЕЗ ПОСЬ МЫЛКЫДЫН ЗЕЧКЫЛАСЬКО

Мыным 70 арес ни, улытозям коть-кыче улонэз адзиськиз. Вазен эқсэй правительство дыр'я туж юн курадзем'ёсты, шимес, пеймыт ортчем нунал'ёсты сяна номре но вераны уг шедьт'яськи. Туж секыт, котьмар сярэсь ёрмыса улоно вал. Эқсэй правительство милемдыс сантэмаса, улт'яса возиз, сыче улонэз али тодам ваисько ке йырсиос ик пёчырско кадь.

Советской власть кылдэм бере гинэ асьмелы югыт, шулдыр улон луиз. Асьме понна партия, правительство но дуно Сталин эшмы сьолмасько но юртто.

Туэ арэз басьтоно ке, ваньмылы асьмелы тодмо партиялэн но правительстволэн юрттэмез. Тани, алигес гинэ Удмуртиэсь колхоз'ёслы, колхозник'ёслы но единоличник'ёслы льгота сётон сярэсь СССР-ысь совнаркомлэсь но ВКП(б) ЦК-лэсь решенизэ шумпотыса пумитамы. Озы ик шумпотыса выль заёмлы но гожкиськом. Мон тод'ясько, что выль заёмлы гожкем—Советской Союзэз яратоно странамес юнматонны уж вылын юрттэм луэ. Фашизмлэн подлой агент'ё-

сыз троцкистско-бухаринской шпион'ёс, диверсант'ёс социализмлэсь великой vormем'ёссэ асьме кийсь таланы выризы. Урмем пуньослы Советской Союзэз куашкатыны ноку но уз кылды.

Калыклэн тушмон'ёсызлэн пож ужзылы пумит луыса, выль поттэм заёмлы гожкыса, асьме сяськаськысь кунмылэсь обороназэ эшшо но юнматом шуса, Шудзьялуд сельсоветысь „Новый путь“ колхозысь 70 арес'ём пересь колхозник Коробов Степан Николаевич собраниын вераськиз. Васильев.

Корепанов порученизэ уг бидэсты

Профсоюзлэн месткоменыз райфоысь Корепанов заём вёлдон ужэн „Столяр“ колхозэ ыстэмын вал. Нош Корепанов „Столяр“ колхозэ өз ветлы, заём волдон ужез кулзэн уг лыд'я. Корепановлэн юнматэм колхозаз заёмлы гожкон туж лядьмынэ, отын массовой-валэктон уж өвёл. Тини Корепанов заём вёлдон ужез куашкаты, месткомлэсь порученизэ өз бидэсты.

Первушин.

Районысь калык судлэн отчетэз

9 июлысен 28 июльозь районысьтым калык судлэн аслаз ужамез сярэсь колхоз'ёсын отчетэз ортче. 11 июле Шудзьялуд сельсоветысь „Новый путь“ колхозын отчетэз ортчи. Колхозник'ёс но колхозницаос калык судья Байкановлэсь отчетэс кылзиськыса, трос пёртэм интересной юан'ёс сётчазы, прениын вераськызы. Колхозник'ёс прениын тазы вераськызы: „Калык судлэн трос зеч уж'ёсыз вань, со сярэсь нокин но номре уз шуы. Нош со зеч уж'ёс сяна тырмымтэ уж'ёсыз но уно. Кылсярэсь, колхоз'ёсы потыса преступник'ёсты судить карон ичи вал. Сельской суд'ёслэсь уж'ёссэс районысь калык суд тырмыт өз эскерылы. Колхозник'ёслэн сельской судэ сётэм заявлениоссы бидэс арен эскерытэк улылиз. Со сяна калык судлэн аслаз аппаратаз технической ужасьёсыз чиновник'ёслы пёрмыса ужало, колхозник'ёс но колхозницаос кулэ ужез тодыны лыктыса, номре тодытэк кошкыло, судлэн ужасьёсызлэсь ответ басьтыны уг быгато. Озы ик калык суд аслаз активеныз — нарзаседательсьыныз тырмыт өз кивалты, „Новый путь“ колхозысь колхозник'ёс районысь калык судлэсь ужэз шоркуспоен лыд'язы.

В. Хохряков.

Заём сярэсь колхозник'ёсты уг валэкто

Шудзьялуд сельсоветысь „Заря“ колхозын „СССР-лэсь обороназэ юнматон заёмлы“ гожкон лядьмынэ. Заёмлы гожкон ужэн татын колхозник'ёс но колхозницаос пёлын массовой валэктон уж урод пуктэмын. Соин сэрэн колхозной масса выль заёмлэн значениез сярэсь уг тоды. Сельсоветлэн членэз Шаклеина но агитатор'ёс заёмлы гожкон сярэсь номре ик өз лэсьтэ. Озы ик стенной газет но массаез организовать карыны өз быгаты. Тини озы „Заря“ колхозын заёмлы гожкон йылпум'ямтэ на.

Заёмлы гожконэз организовать уг каро

Тыловой сельсоветысь колхоз'ёсын колхозник'ёс но колхозницаос пёлын массовой ужез лядь пуктэмен „СССР-лэсь обороназэ юнматон заёмлы“ гожкон йылпум'ямтэ на. Тыловой сельсоветэ заёмлы гожконэз жожен йылпум'ян ласянь судысь, сельпоысь но райфоысь ужасьёс юнматэмын вал. Нош выль верам организациосысь ужасьёс колхоз'ёсы заёмлы гожкытон ужэн өз поталэ, ноқыче валэктон өз нуэ. Райфоысь Корепанов „Республика“ колхозэ ветлиз но кудземе-ныз бусыын зег пёлын погылласькиз но бертиз, заёмлы гожконэн номре ик өз лэсьты.

Первушин.

УЖАМТЭЛЭН БЕРВЫЛЫЗ НО ШАКЫРЕС

Тыловайысь „Труженик“ артельын сапег вурон, вурискон но мукет мастерскойёс вань, отын ужасьёс уно. Таос пöлын политмасовой уж уг нуиськы шуыны луэ. Али но выль Конституциез лыдзыны кутскылымтэ на, артельын ужасьёс Конституциез уг толо. Озы ик ВКП(б) ЦК-лэн февральской пленумезлэн решениез но Сталин эшлэн докладэз но мукет сыче исторической решениос газетись материалёс лыдзылымтэ. Артельысь ужасьёс пöлын коллективной газет лыдзон организовать карымтэ, татысь ужасьёс газет, журнал выписывать уг каро. Стенной газет поттылымтэ, газетлэн редакторез Соловьев газет поттонын оз ужа, анализкыса улыз. Ужасьёс пöлын стахановской движени, соревновани сярысь вераськысь ик öвöл. Со бордысен одйг стахановецсы но öвöл, озы ик куспазы чöшаткыса уг ужало.

Культурно-массовой ужез пуктымтээн, производстоын ужан дыр'я но нецензурной кыл'ёсын верасько, чөм дыр'я юса производстое ужаны лыкто. Сапег вурись

Рыков Николай Сидорович Тыловайысь попен Израиловен связь возе. Кемалась ик öвöл, сое поп черке ас дораз отыса, Израиловен визтэмытозь юса улыллям. Израилов поп Рыковез ас влияни улаз шедьтыны выльсь котькыче амал'ёсты уже кутэ. Израилов поп олокоче но антисоветской уж лэсьтыса, солы следственной орган'ёс ужрад кутон дыр'я, Израилов Рыков Николай агентэ пöрмытэ, Рыковлы оло коче но поручениос сётылэ. Кемалась ик öвöл, Израилов Рыковез туж зол винаен сектам но— „монэ антисоветской уж'ёсы понна судить карыны медо, тон, Рыков, сапег вурись мастер, судья доры мын но солы сапег кузьым сёт, соку судья монэ судить уз кары“—шуса судья доры Рыковез Израилов ыстэ. Израилов поллэсь Рыков кылзиськыса, судьялэн квартирааз мыныса, судьялы шуэ: „Израилов попез судить эн кары, мон тыныд со понна туж чебер сапег вуриса сёт“. Конечно Рыковлэсь судья кузьымзэ öвöл басытэм но татысь пот шуса Рыковез дорысьтыз келям.

Максимов.

Колхоз пасекаосын уж урод пуктэмын

Муш вордон уж туж бадзым значени басытэ. Чечы сяна муш урожайностез жутонын но зол пайда сётэ: Кылсярысь; муш клеверысь чечы октон дыр'я, клеверлы перекрестной опыление лэсьтэ, соку клевер умой тысяны быгатэ. Таке бадзым пайда сётэмзэ мушлэсь, тросэз колхоз'ёс оз валалэ на. Колхоз пасекаосын муш вордон уж ас эрказ лэземын, пасекаосын муш'ёс быро, ройёс ичи.

Пчеловод—инструктор Емшанов пасекаен кивалтисьёслы валэктон'ёс ичи сёт'я, колхоз'ёсы шер пота. „Красное знамя труда“ колхозлэн председателез Бородин тазы шуэ: „Емшанов туэ дорамы лыктыз но пче-

ловодмы доры оз пыры, со кулаке поттылэм мурт Кошечев доры пырыз. Колхоз пасекаен кивалтисьмылы валэктон оз сёты, нош пасекаын муш'ёсмы милям лябесь. Емшановлэн соосты эскеремез оз поты. Со Кошечевлэсь гинэ муш'ёс эскериз но кошкыз“. Озы ик, „Максимовка“ но „Крестьянин“ колхоз'ёсын муш вордон уж ляб пуктэмын. Инструктор Емшанов т у э „Максимовка“ колхозэ вуылыз ке но, муш'ёсты умятон сярысь номре оз вераськы. Емшанов дыр'я, ёсты нунал'ёсын гуртаз Леваньгуртын ортчытэ. Нош райзо у ж з э контролировать уг кары.

Кузьмин.

4 комбайн'ёс араны дасесь

Тыловай МТС-лэн туэ аре ю-нянь октонкалтонын вить комбайнэз ужалоз. Та комбайн'ёс ньылез али дыр'я колхоз'ёсы келямын ни. Со пöлысь Уйвай сельсоветэ „Кирово“ колхозэ, Зюзя сельсоветэ „Пролетарий“ колхозэ, Бородуль сельсоветэ „Победа“ колхозэ но Тыловай сельсоветэ келямын. Ваньмыз, та ньыль комбайн'ёс ю-нянь октонкалтонлы дасесь. Та нунал'ёсын витетиз северной комбайнэз но пуктыса быдэстоны. Северной комбайн Сурон сельсоветэ келямын

луоз. Комбайнер'ёс ужаны дасесь, ужез жутскем мылкыдын вите.

Тани, Роготнев но Зорин комбайнер'ёс туэ сезон куспын 200 га интые, былэн 800 га аралом шуса обязательство басытзы. Нош северной комбайнэн ужась комбайнерка Караваева 100 га интые, 250 га арало шуса обязательство басытзы. Озы туэ районуь колхоз'ёс тросэз МТС-лэн комбайн'ёсыныз обслуживаться кариськозы.

Сергеев.

25 августэ куйнметйез тираж луоз

„Кыкетй пятилеткалэн заемезлэн“ (нылетй.arez-лэн выпускез) куйнметй тиражез Фрунзэ городын 25 августэ луоз. Кык нырысь тираж'ёсын сямен ик, куйнметй тиражын

одйг миллион утон'ёс луозы. Утон'ёслэн ог'я суммазы 164 миллион 920 сюрс манеты. Нылетй кварталын — октябрь но декабрь толзэёсы эшшо кык тираж луоз на.

ИСПАНИЫСЬ ФРОНТ'ЁСЫН

Центральной фронт
Республиканской войскоос Мадрид но Толедо город'ёс куспысь сюресэз перерезать каризы. Мятажник'ёс Карабанчельын котыртэмын.

Северной фронт
Республиканской войскоос воздушной бомбардировка ортчытэм бере, мятежник'ёслэсь Вильявердесен Усэра дорожь позициоссэс басытзы. 7 июльы уйин республиканец'ёслэн самолёт'ёссы противниклэсь 2 самолетсэс муз'ем вылэ уськытзы. Республиканец'ёс Тахо шурлэн лымшор палаз малпамтэ шорысь атака жутыса, мятежник'ёсыз ас позициосысьтызы уллязы.

Восточной фронт
Республиканской войскоос синмаськымон атака нуыса, Вильянуэва дечла Каньада гуртэз басытзы. Со Мадрид дорысен 24 километра улсын луэ.

Южной фронт
Республиканец'ёслэн авиацизы германской интервент'ёслэсь Алхисерас городэ пуктэм зенитной батареяоссэс бомбардировать кариз.

Английской корабльёс вылэ нападение
Мятажник'ёслэн к у и н ь самолётсы Сантандер город дорысь вуосын уяь английской корабльёс вылэ нападение лэсьтзы. Соос ко-

лын ик Кульдиоэз басытзы. Тини со Сарагосса город дорысен 19 километр улсын луэ. Мятажник'ёслэн та жугиськонэ трос калыксы бырыз.

Южной фронт
Республиканец'ёслэн авиацизы германской интервент'ёслэсь Алхисерас городэ пуктэм зенитной батарееоссэс бомбардировать кариз.

Мятажник'ёслэн самолёт'ёссы Минорка островысь Айон портэз бомбардировать каризы. Бырыны шедем'ёс öвöл. Республиканец'ёслэн зенитной батарееоссы мятежник'ёслэсь одйг самолётсэс муз'ем вылэ уськытзы.

рабльёс вылэ бомбаос кызы. Бомбаос английской корабльёс дорысь кыдэке ик оз усьылэ.

АНГЛИЙСКОЙ КОРАБЛЬЁС ВYЛЭ НАПАДЕНИЕ

рабльёс вылэ бомбаос кызы. Бомбаос английской корабльёс дорысь кыдэке ик оз усьылэ.

Ю-нянь октонкалтонлы уг дасясыкы

Шудзялуд сельсоветысь „Новый путь“ колхоз ю-нянь октонкалтонлы уг дасясыкы. Туннэ нуналозь аран машинаос но мукет тырлык'ёс тупатыны кутскылымтэ. „Новый путь“ колхоз сельсоветлэн син аязя ке но сельсоветысь ужасьёс таке ужез уг адзо, сельсоветлэн председателез тырмытэ уж'ёсты быдтыны вылысь ужрад уг куты.

Государстволы туры сётонэз жегато

Шудзялуд сельсоветысь „Авангард“ колхоз государстволы туры сётонэз жегатэ. Турын государстволы сёгымтэ на. Озы ик турнан уж но ляб мынэ. Турнанын уж умой организовать карымтэ. Озы ик „Новый путь“ колхозын но государстволы туры сётон ляб мынэ, планзэс уг быдэсто, гызмыльтыса ужаны выро.

Критикаез уг ярато

Сурон сельсоветысь „В.Ключ“ колхозысь ревизионной комиссиялэн членэз Постовалов Павел но Палин Захар критикаез уг чидало. 7 июле колхозын борд газет поттызы, Постовалов но Палин урод ужзы понна газетэ гожтэмын вал. Критикалы чидамтэенызы редак-

Силин урод уж'ёсты лэсьтэ

Охан сельсоветысь „Токарь“ колхозлэн азыло председателез Силин Петр колхозын урод уж'ёсты лэсьтыса улыз. Тулыс кизён дыр'я 4 га кизем көжыез усватэк кельтэмен, көжы шер потыз. Озы ик Силин аран машиналэсь бадзым колёса-

Мынам чектонэ

Тыловай село дортй шур кошке. Мынам малпаема шурысь бадзым пруд кылдытоно вылэм. „Первой май“ колхозлэн кебит дораз пруд тымыны луоно. Соку Тыловай селовын ву уно луысал, пожарлэсь но кышкыт ой луысал. Райисполкомлы но Тыловай сельсоветлы пруд тымон сярысь мынам сямен, ужрад кугоно.

Бушмакин.

Турынэз лучкало

Уйвай сельсоветысь „Новая школа“ колхозысь кудог колхозник'ёс колхозлэсь турнам турынэз асьсэ понна лучкаса бусысь ворго. Тужгес ик Васильев Василий колхозлэсь турынэз лучкаса гуртаз ворттэ. Колхозлэн председателез Перевозчиков Кирилл лучкасыны ачиз повод сётэ. Перевозчиков но бусысь турын лучканэн бере уг кылы.

Культурник.

МИЛЕМЛЫ

ИВОРТО

Уйвай сельсоветысь „Кирово“ колхозлэн председателез Перевозчиков Михаил колхоз коньдонэз тус-тас каре. Алигем госбанкысь 500 манет коньдон басытыз но колхозлэн кассаяз приходовать öз кары, ваньзэ юса быдтыз.

Перевозчиков.

В.-Четкер сельсоветысь „13 Октябрь“ колхозын кык бригада лыд'яське, кыкез ик бригадаос огазын турнало, ужын но кыче учет öвöл, уравниловка. Соин сэрэн кудыз турнаны нуназе мыно, кудыз чукла вазь мыно, с о е учигывать уг каро.

Али дыр'я бер кизем етйным вредительёс трос луизы, соос льянной трипс шуса нимасько. Та льянной трипсэн тазы нюрсыконо: одйг гек ар площадь вылэ 50 килограмм тамак пылез 50 килограмм пенен сураса пазяно. Со сяна майтал вуэн пазяно, талы хозяйственной майтал умой мынэ. Тамак пылез кезысь сельхозснаблэн базасысьтыз ваёно.

Зюзино сельсоветысь „Пролетарий“ колхозын пудо вордонлы саклык уг вис'яло. Туэ толалтэ силоссы луыса но, скал'ёссы соин оз сюдэ, сисьтызы. Али скал'ёсыз пастух'ёс сикын возьмало шуса колхозник'ёс малпало. Нош пастух'ёс скал'ёсгы чукна сике нуо но, асьсёс гуртэ бертыса салкым азын көло, скал'ёс понна уг ик малпало.

Поздеев.

В.-Кыч сельсоветысь „Путь Ленина“ колхоз урожайностез возьманы, эскерыны уг сюлмаськы. Еусыны ю пöлын гужем чөже зазер'ёс уло нй, юзэ 1 га ёроссэ урод каризы. Колхозник'ёс сое адзе ке но ужрад уг куго.

Кузьмин.

Кельдыш сельсоветысь „Сельхозтруд“ колхоз вуоно толалтэлы пудо сион дасяназ кулэн уг лыд'я. Турнан кутскем тырысен дыр трос орчтыс нй. Нош татын гызмыльтыса ужаменызы турнанэн бере кылызы. 6 июле лек зор луса 50 воз көс турынэз ву нуиз но сюен сураськыз.

Иванов.

Происшествие

7 июле Кельдыш сельсоветысь „Лесная поляна“ колхозысь колхозник'ёс ньыль валэн Кезэ ветлиллям. Кезысь бергыкузы Кез дорысен 5 километр кемысен, чилек'яса гудыр'яку, куйнэз вал'ёсты чашыса вииз. Со сяна одйгэ колхозникез гуныдытыз. Трос малпатэк та чаш'ем колхозникез эш'ёсыз муз'еме согыса возызы но, öжыт улыса колхозник лул'ясыкыз.

Ответственный редактор
Н. ХОХРЯКОВ.
Поттысь райисполком.